



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

12. De infinita misericordia Dei.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

MEDITATIO XII.

Quòd Deus sit infinite misericors.

PUNCTUM PRIMUM.

Miseri-
cordia
superat
justitiã.

Jacob. 2.

13.

Ez. ec 18

23. *Ec.*

33. 11.

Sap. 1.

13.

Pf. 76.

10.

Hab. 3. 2.

Pf. 144.

9.

IN operibus Dei misericordia & justitia vigent, sed magis illa juxta illud. *Misericordia superat exaltat judicium.*

I. Misericordia præcedit justitiam: quia non plectuntur, nisi qui misericordia abusi sunt. *Nã- quid voluntas mea est mors impii, & non ut convertatur & vivat? Deus mortem non fecit, nec deletatur in perditione vivorum.*

II. Comitatur ubique justitiam: etiam in puniendo admiscet Deus misericordiam. *Numquid obliviscetur misereri Deus, aut continebit in ira sua misericordias suas?* quasi dicat: nec in irascendo desinet misereri. *Cùm iratus fueris, misericordia recordaberis.* Nempe offert veniam, etiam tunc; & ad hoc castigat, ut resipiscam, & infra meritum flagellat: quin in ipso inferno citra condignum mulctat. Est igitur misericordia veluti finis justitiæ: nam & ex damnatione reproborum intendit & procurat salutem electorum, qui inde proficiunt.

III. Majora Deus præstitit misericordiæ documenta, quàm justitiæ, ut mox dicetur. *Miserationes ejus super omnia opera ejus.* Hinc fiduciam concipiam: oportet quidem justitiam præ oculis habere, ne præsumam; sed præcipuè inhærebo misericordiæ, ad quam tanquam ad majus quoddam-

Quòd Deus sit infinitè misericors. 339

damodo tribunal provocabo, hortante Paulo. *Heb. 4.*
Adeamus ergo cum fiducia ad thronum gratiæ, ut ^{16.}
miser ricordiam consequamur, & gratiam inve-
niamus in auxilio opportuno.

Misericors Dominus & justus, & Deus noster ^{Ps. 114.}
miseretur, quasi dicat: sed præcipuè miseretur; ^{5.}
Iustus Dominus & justitias dilexit, æquitatem ^{Ps. 10. 8.}
vidit vultus ejus. Ego sum Deus zelotes, visitans ^{Exod.}
patrum iniquitatem in filios, in tertiam & quar- ^{20. 5.}
tam generationem. At sequitur. Et faciens mise-
ricordiam in millia his qui diligunt me, & custo-
diunt præcepta mea.

PUNCTUM II.

Amplitudo divinæ misericordiæ: quæ omnes ^{Ampli-}
creaturas complectitur, & omnibus mise- ^{tudo in}
riis subvenit: unde misericordia fundatur in om- ^{omnia.}
nipotentia: *Misereris omnium, quia omnia potes,*
Bonum factum, quod ambæ adsunt, ut cum per ^{Sap. 116}
miser ricordiam velit, per potentiam valeat opi- ^{24.}
culari. Semel locutus est Deus, duo hæc audiivi, ^{Ps. 61.}
quia potestas Dei est, & tibi Domine, misericordia. ^{12.}
Ad omnes creaturas extenditur: quia *Miseri-* ^{Ps. 32. 5.}
cordia Dei plena est terra: omnes res habent ali-
quem defectum, unde misericordia Dei egent:
De brutis, Homines & jumenta salvabis Domi- ^{Ps. 35. 7.}
ne, quemadmodum multiplicasti misericordiam ^{Ps. 146.}
tuam, Deus. Et: Qui dat jumentis escam ipso- ^{9.}
rum, & pullis corvorum invocantibus eum. At
quanto magis hominibus impendet: unde & ad

Y 3

Jonam

Jon. 4 11. Jonam ait: *Tu doles de hedera, & ego non parcam Ninive?*

Pf. 62. 4. Vere Domine, melior est misericordia tua super vitas: quia nihil nisi abs te venit. *Veniant igitur mihi miserationes tuae, & vivam.* Gaudeo, quia nihil est miseriarum, quod levare non possit, & velit pro ordinatissima sua providentia, quantum expedit mihi.

PUNCTUM III.

In peccatores. **S**igillatim misericordia Dei erga peccatores expendenda est. De qua Sapiens: *Misereris Domine, omnium; quia omnia potes, & dissimulas peccata hominum propter pœnitentiam.* Diligis enim omnia quæ sunt: parcis autem omnibus, quoniam tua sunt Domine, qui amas animas. Hinc colliguntur proprietates misericordiæ divinæ. 1. Quod neminem excludit. *Misereris omnium Domine:* duas tantum reddit causas. Quod omnes ab ipso facti sunt, & quia amat omnes. Quod ad omnia peccata extenditur, quantumvis magna & multa. 3. Quod expectat patienter, dum resipiscat peccator: & non semel, aut *septies; sed septuagesies septies, & infinities recipit pœnitentem.* Quæ benignitas Dei ad pœnitentiam nos adducit, non fræna laxat peccandi. 4. Quod misericordia Dei maxime se impendit eis, qui & ipsi misericordes sunt erga proximos. *Mat. 5. 7* *Beati misericordes, quoniam ipsi misericordiam consequentur.*

PUN

PUNCTUM IV.

Misericordia Dei erga electos, quos Paulus ^{In electos.}
 vocat *vasa misericordiae*. 1. est aeterna, & ^{Rom. 9.}
usque in aeternum super timentes eum, & quidem ^{13.}
 erga electos; imo etiam erga omnes, quantum in ^{Pf. 102.}
 ipso est. 2. Comitatur electos ab ortu, & ^{Mise-}
ricordia prevenit me. 3. est altissima quia eve- ^{Pf. 58.}
 hit ad summa: *Magna est in caelo*, & ^{11.}
super caelos misericordia tua. Et: ^{Pf. 107.}
Secundum altitudinem caeli à terra corroboravit misericordiam suam ^{Pf. 101.}
super timentes se. ^{11.}

PUNCTUM V.

Documenta divinæ misericordiae. 1. <sup>Docu-
menta</sup> **C**um <sup>miseri-
cordiae;</sup>
 Deus non esset capax affectus tristitiæ, ex ^{1.}
 miseriis nostris: *Voluit per omnia fratribus assi-* ^{Heb. 2.}
milari, ut misericors fieret. 2. Non affectu tan- ^{17.}
 tum, sed re communicare voluit miseriis nostris. ^{2.}
Non enim habemus Pontificem qui non possit ^{e. 4. 152}
compati infirmitatibus nostris: tentatum autem ^{3.}
per omnia pro similitudine absque peccato. 3. ^{Pf. 119.}
Memoriam fecit mirabilium suorum misericors ^{4.}
& miserator Dominus, escam dedit timentibus se. Summa hæc misericordia, qua voluit
 esse cibus noster, medicina, hostia, & quid
 non? *Confiteantur tibi misericordia tua, quia* ^{Pf. 106.}
satiasti animam inanem, & animam esurien- ^{9.}
tem satiasti bonis.

Siquidem Deus ita misericors est, imitabor
 ipsum pro viribus erga proximum, quod mon-
 net Christus ipse: *Estote misericordes, sicut* ^{Luc. 6.}
& Pater vester caelestis misericors est: quare cu- ^{36.}

2. Reg. 9
 1. Cor.
 1. 39
 piam dari mihi occasionem exercendi misericordiam, ut cum David dicebat: *Numquid superest aliquid de domo Saul, ut faciam cum eo misericordiam Dei?* Dei dicit, qualem Deus exhibet. *O Pater misericordiarum!* ostende nobis misericordiam tuam, fac intelligamus illius magnitudinem, & experiamur in nobis, quo tanquam filij tibi similes in exercenda illa reddamur,

MEDITATIO XIII.

Quod Deus sit infinite liberalis.

PUNCTUM PRIMUM.

Jac. 1. 5.
 Dei liberalitas
 ex quibus cognoscitur.
Job. 41. 2.
Rom. 11. 33.
Pf. 115. 2.
Est summè liberalis: quia dat omnibus affluenter, & non impropere. Spectatur in istis, 1. in multitudine donorum naturæ, & gratiæ. 2. in excellentia, siquidem se etiam ipsum dat. 3. erga omnes absque acceptione personarum. 4. nullo debito, tantum quia bonus est, & per se propensus ad largiendum, unde ab eo cœpit liberalitas. *Quis antè dedit mihi, ut reddam ei?* ait apud Job: Sicut Paulus: *Quis prior dedit illi, & retribuetur ei?* non spectat compensationem: quia *honorum nostrorum non eget.* Quod si requirit gratitudinem, facit quod justitia id postulet, & quo plura largiatur. Similiter, si obedientiam, cum sit summus legislator: jubet autem quæ nobis expediunt. Itaque sicut: